

12.
Ma ra seiz guech tro ar chapel
Gant Ave ann eal Gabriel
Mari hon diouallo bepred
Diouz Satan hag ar seiz pec'hed.

13.
Ha ma tigemer ann hosti
He galoun ennhan o virvi,
Ouz Jezuz e chomo stag mad :
Etrezho birviken kimiad.

14.
Pelerined, grit evelse,
Kaout a refot grasou Doue ;
Hag e veac'h deuet enn eur lenva,
C'houi ielo kuit enn eur gana.

IMPRIMATUR :


Quimper, 14 Mai 1885.

A. SERRÉ, vic. gén.

Propriété réservée.

Kemper, e ti A. DE KERANGAL, mouller an Eskopti.

8N1-2-015



Kantik Introun-Varia Rumengol

1.

Lili arc'hantet ho deliou,
Var bord ann dour zo er prajou ;
Doue d'ezho a roaz dillad
A skuill er meziou peb c'houez vad.

DISKAN

Introun Varia Rumengol,
Guerc'hez gallouduz, remed holl,
Roit d'eomp hirio, enn han' Doue,
Iec'hed ar c'hort hag ann ene.

2.

O Rumengol, pell amzer zo,
C'houi eo boked kaera hor bro ;
Peb rozenn goant, peb lilienn
A zo disliv enn ho kichen.

3.

N'euz elestrenn ebed er prat
A daolfe kement a c'houez vad ;
E Leon, Treger ha Kerne,
Ganeoc'h e klevet c'houez ann Ee.

4.

Bleunia 'rit c'hoaz enn ho kozni
E liorzik goudor Mari ;
Rak hor mamm dous n'eo ket edro :
Pa gar eur vech eo vit ato.

5.

Var ann Arvor gant ar Verc'hez
Oc'h bet lakeat da rouanez ;
Rumengol eo he merc'h hena,
Ganthi eo karet ar muia.

6.

Hon tadou koz a ioa kousket
E tenvalijenn ar pec'hed :
Maro var roudou peb hini....
Hern euzuz o tigeri....

7.

Var ar mean ruz e skuillet goad,
Hag er C'brannou, e kreiz ar c'hoat,
A zindan derven Teutates,
Tud 'veze lazet eb truez.

8.

Tec'hit, doueou digalon,
Setu Guennole ha Grallon ;
Tec'hit, tec'hit... Var ar mean ruz
Eo savet chapel mamm Jezuz.

9.

E leac'h ar goad, dour a vuez
A red enn iliz ar Verc'hez ;
He c'haloun eo ann ienenn
Ne vezo dizec'het biken.

10.

E Rumengol, ar peterin,
A bedo stard var he zaoulin,
A velo a dreuz he zaelou
Evel digor lez ann Envou.

11.

Ma salud teir guech ann aoter
Enn eur adori hor Zalver,
Teir guech e vezo benniget
Gant tri Ferson sakr ann Dreinded.